

برنجی سنہ * نومرو ۱۹ - ۶ رمضان ۱۳۳۰

پازار ایرتسی

۶ اگستوس سنہ ۱۳۳۸ - ۱۹ اگستوس افرنجی سنہ ۱۹۱۲

سر محرر: شہبندر زاده فلبلی

احمد ہلمی

محل ادارہ سی:

جفال اوغلندہ « حکمت » ادارہ خانہ سیدر .

حقہ مقرون، اغراضدن سالم افکار ومقالاتہ صحیفہ لرمن آچیقدر.

«HIKMET»

Journal ture, quotidien et politique

DIRECTEUR-PROPRIETAIRE:

A. HILMY CHEHBENDER



ادارہ مدیری: قلبلی

محمد زہنی

اشترا بدلی:

برسنہ لکی ۹۵، آلتی آیلنی ۵۴ غروشدر .

پوستہ اتحادینہ داخل ممالک اجنبیہ ایچون قرق فرانقدر.

ABONNEMENT

un an : 95 piastres و six mois 54 p.

Union postale: un an, 40, six moi, 25 Fr.

Rédaction: Constantinople, Djagal oglou

نسخہ سی: ۱۰ پارہ در

حقیقہ خادم یومی غزتہ در

نسخہ سی: ۱۰ پارہ در

وعد اولونان و عمومی، خصوصی کبی دلفریب تقسیماته اوغرایان و عند الحسب یوزده قرق فضله سنه احاله ایدیلن یولار، نابدید الکتریق تراموایلی، نابود کوریلر و لیمانلر، موضوعی ناموجود بر سوری لاف و کذاب کوریرز. لکن بوتون بو سوسله ملرده ال پارلاغنی و عینی زمانده سوسله مه سیاستک موجدلری، تظاهرات ملیه ایجاب ایتدیکی زمانلرده کوریهوردق. اعیاد ملیه ده مانی نك، انتخاباته صندقلرک تزیینی حقیقه دلری اولویوردی. سسلانیکک مهد حربت اعلان ایدیله سیله برابر استانبول محیط سفیل «تجارتی» سسسمزجه استیلایدن بر تجار سوریسی، بوخصوصه جده بویوک بر مارت کوسته ریوردی.

سوسله مه سیاستی، کوزه چارپان هر شیده تطبیق اولویوردی. پولیسلر مرکز بر سنه ده ایکی کره قیافتده کیشدرمه لری، ژاندارمه لر مرکز الیسه می و الحاصل بوکا مائل خصوصاته هپ قوت خارجه، رسمه، صورت ویریلوردی. لکن کوز بویامه سیاستک ال تاثیرلی تطبیق مطبوعات و نشریاتده کورولمکده ایدی. بروقت، غیرتلی غزتلر، سایه شاهانه ده یاغهور یاغدی، دیسه جک درجه ده فرط صداقت کوستردکاری کبی برقم مطبوعات جدیده دخی مملکتک بالجه حادثاتی، مناسبات خارجه سنی بررنگ دیکرده کوسترمکده وشو حاله حادثاتی دکل، کوزلری بویامقده ایدی.

یمنده بیک دورلو مشکلات یوز کوسته ر. ییورکن، وقعه نك اهمیتی قلیل ایدیله ایدیله علی الماده برقاچ شقی نك قفا طوماسی درجه سنه ایندیریلوردی.

حدیده وجوارنده عسکرولوازماتی چقا. راجق بر اسکله بوق ایکن، عسکر ولوازم طالیجبارک اوموزنده و بیکرله سنه اول اولدینی صووتده چقاریلرکن، یمنده طیبسزک، ادویه سزک ولوازم نقصاندن بیکرله اولادوطن تلف اولوب کیدرکن دیدیکمز مطبوعات، عسکرک مکمل برحاله کونده دیلیدیکندن، اسباب استرا. حتربنک مکملیتدن بحث ایدیوردی.

والحاصل کوندن کونه مشکلات وسفالت اقتصادی مملکتک مجامع حیاتی قاپلایورکن، هر واسطه وهر وسیله ایله سعادت عمومی نك ترایدندن بحث اولویوردی!

کوز بویامه سیاستک ال تاثیرلی تطبیق ایسه حسیانه عائد خصوصاته رونما اولویوردی. هر نامناسب حرکت، مقدس و محترم برحسک، برلومک الجا آتیه یاپلمش کبی کوسته ریوردی.

بویله حساس، بویله لزوملر، بر چوق وجدانلرده جایگیر ایدی. هر کس، وطن وملتک اعلاسی دوشونور و کندنجه بولدی چاره لک تطبیقی اومویوردی. کوز بویامه سیاستی ایسه بومتخالف امیدلرک هدی آلداتیوردی. بوسبیه مبنی ایدی که افکار متضاده مه مالک ذوات، صانکه بوقدر ضد و متناقض فکرلرک ساحه اجرایه قونولماسی بشرک ید قدرتنده ایمش کبی، اونلرک فعله چقاریلانسی بکلیوردی. غیری شوراسی که بوکوز بویامه سیاستی، ولورمدتیک ایچون اولسون، اورویاه قارشى بيله تطبیق اولونمق ایسته نیلدی. «ماوی بونجی» لطیفه سی دول معظمیه قارشى یاپیلدی. شوتنر یافتمدن هر صاحب انصاف آکلار که

بویله برسیاست، افریقا چوللرنده کی اقوام ابتدایه اوزمزنده تطبیق اولونسه بيله، عثمانی اجتماعیتی میدانه کتیرن و ذکاوتله ممتاز عناصر مسلمة و غیر مسلمة اوزمزنده اوزون مدت تطبیق اولونماز وایش برافلاسله نتیجه لیر. ایشته صوک انقلابی یاپان عواملک بری ده خلقمزلک ال ذکی و متکامل بر صنفده، بو افلاسک تحققی وهر کسک آلدایدیلرک تظاهری اولدی.

بوافلاسی کیزله مک چوق چالیشیدیلر. حقى عناصری بر برینه دوشوروب قانلی مصادمه لک وقوعنی بيسله تجویز ایتدیلر. لکن افلاس، قیریلان امیدلر قدرشدنی اولدی واونی کیزله مک دکل، نتایجی براز حجاب مساحه ایله اورتمک امکانی بيله قالمادی.

بوندن صوکراسی ایچون کوزمزی آچالی وهر کیمه اولورسه اولسون بویاممالی یز. بزه چوق وعد ایدلر قارشى براز احتیاط کوسترلم. مملکتمزده، خارچ وداخل اعتباریه، مشکلات یک چوق و بونلرک ارتفاعی عظیم همتلر و سوره کلی غیرتله محتاجدر. بوراسنی مرده جه اعتراف ایدلر، بزه مقبول اولدی در. لکن قوری سوزله و صانکه سحر یاز دکنیکله بو مشکلاتی قالدیرمق اده سنده بولونانراولورسه، اونلر قارشى ده براز توقی، سلامت ملیه من ایجاباتندیلر.

شهیندر زاده قلیلی

احمد علمى

خارجی خبرلر

ردوسه یونان دولانی

ایتالیانلرک ردوس جزیره سیله دیکر اطه لردن بعضیسی استیلانندن صکره جزائر بحر سفیدی اداره عثمانیه دن آیربق مقصدیه وجوده کتیریلن حرکت افتراقجویانه یی یونان حکومتی نامه ترغیب و تشویق ایتک اوزره ردوس قونسلوخانه سنه مأمور اعزام قلمش وبالاخره پاطموس قونقره سنک ترتیبده تشبثات فعلیه سی کورلمش اولان «لی پانس» اجرا ایدیلن تشبثات سیاسیه اوزرینه مذکور قونسلوخانه ده کی مأموریتدن عزل ایدیلرک آتیه یه جلب ایدلمشدر.

ایمپراطور فرانسوا ژوزف

دون اوستریا ایمپراطوری فرانسوا ژوزف حضر تلرینک یوم ولادتلینه مصادف اولدیلندن سفارتخانه ده رسم قبول اجرا ایدلمش وقره غول سفینه لردن یکریمی بر پاره طوب انداختیه رسم سلام ایفا اولنمشدر.

ملاقات حکمداران

انکتره قرالی حشمتلو ژورژ حضر تاربه اوستریا و مجارستان ایمپراطوری حشمتلو فرانسوا ژوزف بینده یقینه بر ملاقات اجرا ایدیله چکی اخبارات تلغرافیه دندر.

داخلی خبرلر

آرناودلق مسئله سی

حدودده قره داغلیلرله وقوعه کلن مصادمات اوزرینه برانه مسلمانلرله خرسیتانلر آره سنده ظهور ایدن مهاجرات دن طرلانی حکومت تحقیقات جدیه اجراسنی امر ایتمشدر.

آرناودلق مسئله نك شکل حادی ضایع

اولدینی و یارینه قدر شایان ممنونیت بر چاره تسویه بولنه جغنی عثمانی آزانسی تأمین ایدیور. ژون ترک غزته سنده اوقوعمشدر:

اون ایکی بیک آرناودک سلانیکه دوعری آقین ایتدیکنی استخبار ایتش ایسه کده وقتک عدم مساعده سنه مبنی مسئله یی تمامه تحقیق و تدقیقه موفق اولامادق. شو قدر که معلومات کافیه اربابشدن بر وجه زیر بعض معلومات آلا بیلدک:

آرناودلر اسکوب حبسخانه عمومیسی آجارق بیک قدر محبوسینی طیشاری چقارمشلردر بونک برخطا اولدینی محقق ایسه ده رؤسادن بوبایده بر امر آلمش اولمالری غیر محتملدر.

استخبارات اخیرمه مزه کوره اوچ بیک قدر ارناود سلانیکه متوجهاً کوریلریه قدر کشلر. فقط بونک بعض رؤسا میاننده کی سوء تفهمله حکومتک هنوز مطالباته ویردیکی جواب موافقدن خبردار ایدلمه مسندن نشئت ایتدیکی ظن اولمقده در. بعض ارناودلر طرفندن سلانیکه دوعری بر حرکت اجراسی اوزو ایدلمکده اولدینی معلوم در. مع مافیه حکومت بویکیلر وظیفه لری ییلدیرمکده کچیکیمه جکدر. حکومتک، آرنا. ودرک مطالباتی قوانین مشروطیت داخلنده تمامیه بیان وافهام و شاید تکرار بر حرکت عصیانیه جریاننک رونما اولدینی کوره جک اولورسه در حال تدابیر موثره قطعه یه توسل ایده چکی مستخبراتمز جمله سنندیلر دیور.

عنایشر لوئید غزنه سی بوشایمه دن بحث ایتدیکی صیراده دیور که:

اسکوبه کلش اولان آرناودلردن برقمی سلانیکه متوجهاً حرکت ایدرک کوریلریه مواصلت ایتمشلردر. مقصدک تسریع مطالبات ایچون برنمایش اجراسندن عبارت اولدینی بیان ایدلمکده در. صوک خبرله کوره سلانیکه یوز قدر ارناود کلش و بوقافله یی دیکر لرینک تعقیب ایده چکی جمله احتمالادن بولنمشدر.

قره داغ حدودنده مصادمه

اسکوب ۱۸ اغستوس — حدودده مصادمه لر دوام ایدیور. قره داغلیلر برانه یه دوعری یاریلرله مشلردر. حکومتک قومیسونی ایله مذاکرات دوام ایدیور.

بومبا وحشتلری

بومبا دردستی — قادیلر بومبا طاشیور — جسور و وظیفه شناس بر پولیس مأموری قوصوه:

بوکون ساعت یدی راده لرنده قونوق پولیس مأمورلردن ساپا افندی منقعه داخلنده کشف و کذار ایدرکن حال وطورلردن شبهه ایتدیکی برقادین و برارککه طورملری تکلیف ایتدیکی حاله فراره تشبث ایلری اوزرینه بالتعقیب طریاقو نامنده اولان ارککی دردست و اوزرینی بالتجری برشی بوله مینجه قادینک تعقیبه بالتوسل مذبوره یی ده دردست ایتمشدر. اوزری تحری اولندقدده الی یدی کیلو ثقلنده تیمور پارچه لری و دیشامیت ایله ملو قباغی اوزرنده ایکی تل و مرابع بر تنکه و اوچ بیچ کیلو ثقلنده بر غلیمیرینی دینامیت ایله ملو اوچ که جمعاً بش بومبا و بر بیوک مانا. سوروکی قوی الله ایدلمشدر. اجرا اولان استیجوابده مزبوره طانیه یه جغنی ایکی کنج

طرفدن کندوسنه جبراً ویریلوب محل تعلیق دخی سسویلکدرخی افاده ایله یورساده بونک خلاف حقیقت اولدینی آشکاردر.

پولیس افندیکن قادینی تعقیبه شتاب ایتدیکی صره ده اورتدن غائب اولان طریاقو شدتله تحری ایدلمکده در. قادین نونجه قریه مسندن الی یاشلرنده استویاتقده در. بو بومبارک کچن صالی کونی قصبه ده اشتعال ایتدیرمک اوزره کوندریابوب اجرا اولان تدابیر نتیجه سنده موفق اولنه میان و فقط قصبه دروننده موجود اولدقارینه قساعت حاصل اولان مواد انفلاقیه نك بقیه سی اولدینه شبهه یوقدر. قادینک استجوابنه کال اهمیتله دوام ایدلمکده اولوب اشبو استویاتقونک مذکور بومباری لویاره محله سندن ذخیره یی بواندن تسلیم ایتدیکی و کندوسنی مذکور قریه اهالیسندن ارحوایمو وطونجه قوزنک قصبه یه سوق واعزام ایتدیکری و اندریا آپوستول و طریاقو بوسه نامنده کی ایکی کیشینکده معاونت و مشارکتی اولدینی افاده ایتمسيله مرقوماندن اندریا و طریاقو دردست اولنه رق جهت عدلیه تسلیم قلمش وهنوز الله ایدیله میان ارسو ویون طونچوشدته تحری ایدلمکده بولنمشدر.

قوچانه حادثه سی

قوچانه ده آتیلان بومبا نتیجه سنده بیکس قالانلرک اعاشه لرینه مقتضی مبلغک خزیننه جلیله دن اعطاسی مقام صدارتدن مالیه نظارتنه امر و اشعار قلمشدر.

منهپ

مناسر:

اغستوسک برنجی ایشامی قرقچوه سوری داخلنده جوق شیطو بانچه یایلاسنده ریح و دارظه اشقیاسندن التش کشیلک بر چته طرفندن غاقشنکلی یوصف طودور کپیانک (۸۰۰) قیونی غضب و چوبانلردن بری جرح ایدلمکله تعقیبانه ابتدار قلمشدر.

آزادامارد غزنه سی

ازمینجه آزادامارد غزنه سی ۴ اغستوس تاریخی نسخه سنده قوچانه حادثه سی ختمنده ضعف اداره سرلوحه سی آلتسنده یازدینی باش مقاله دن طولانی مطبوعات داخلیه مدیریتی طرفندن بلا مدت تعطیل ایدلمشدر. دوندن اعتباراً ارضروم بمبعوث سابق وارتکس افندیکن مدیر مسئولیتی تخنده آراچامارد (جدال ترقی) اسمنده بکی برغزته انتشاره باشلامشدر.

مکاتب رشدیة عسکریه مدیر عمومیلکندن: روسه لیلی رشدیة عسکریه سنه طالب اولوب برای امتحان صغری چشمه رشدیة عسکریه سنه مراجعت ایدن شاگردانن معاینه لری اجرا ایدلکدن صکره استدعالری آلوب کیمش اولانلرله امتحانلری ا کال ایتهدن صاوشمش و یاخود هنوز معاینه طبله لری اجرا ایدلمش اولانلرک ماه حاکک یدنجی صالی کونی صغوق چشمه رشدیة عسکریه سنه مراجعتلری و مراجعت ایتدکاری تقدیرده نقصان قلمش امتحانلردن دونک نظریله بایله جغنی اعلان اولنور.

مدر مسئول

احمد علمى

حکمت

مطبعه سی